

Inatsisartut aaliangiiffigisassaattut siunnersuut Naalakkersuisut peqquneqassasut Naammassisaqarsinnaassuseqarnermik (produktivitet) ataatsimiisitaliarsuarmik pilersitsissasut.

(Inatsisartunut ilaasorta Per Rosing-Petersen, Attaviitsoq)

Akissuteqaat

(Aningaasaqarnermut Aatsitassaqarnermullu Naalakkersuisoq)

1. Siullermeerneqarnera

Naammassisaqarsinnaassuseqarnermik ataatsimiititaliarsuarmik pilersitsinissamik siunnersuuteqartoq Per Rosing- Petersen Naalakkersuisut sinnerlugit qujassuteqarfigaara. Naammassisaqarsinnaassutsip qaffassartuarnissaata pingaartittariaqarneranik siunnersuuteqartup oqariartuutaa Naalakkersuisut isumaqatigaat.

Naammassisaqarsinnaassutsip qaffassarneqarnerneqarneri pigissaarnerulernissamut atugarissaarnerulernissamullu aqqutissaavoq pingaarutilerujussuaq. Sulisut ataasiakkaat naammassisaqarsinnaassusaasa qaffarsarneri amerlanerusullu aalajangersimasumik suliffeqalerneru pigissaarnerulersitsinissamut aqqutissaapput. Atortut aningaasatigut nalillit soorlu aalisariutit, nunami atortulersuutit pisortallu suliffeqarfiutaasa aammalu pisuussutit pinngortitameersut atuarluarnerunerisigut naammassisaqarsinnaassuseq qaffarsarneqarsinnaavortaaq.

Naalakkersuisut Attassisinnaanissamut Siuarsaanissamullu pilersaarummik pingaarnertut aqqutissat sisamaasut aqqutigalugit aqqqissuusseqqinnissamut siunnersuutitalimmik 2016-imi suliaqarput. Attassisinnaanissamut Siuarsaanissamullu pilersaarut suliarineqarpoq ilisimaneqalermat ukiut 20-t tullinnguuttut ingerlanerani utoqqaat amerlatseriarujussuassasut, tamatumalu kingunerisaanik utoqqalinersiutisianut, utoqqaat paaqqutarinerinut peqqinnissaqarfimmullu aningaasartuutit qaffassasut.

Attassisinnaanissamut Siuarsaanissamullu pilersaarummi siunertarinqartoq pingaarneq tassaavoq suliniutissanut tunngavissaqalernissaq, aningaasanik attanneqarsinnaasumik ingerlatsinermik ima pitsanngoriartitsitigisumik allaat siunissaq ungasinnerusoq isigalugu pisortat aningaasartuutigisartagaasa isertitarisartagaasalu oqimaatigiilernerinik kinguneqartumik.

Attassisinnaanissamut Siuarsaanissamullu pilersaarummi siunnersuutit arlallit tunisassiorsinnaassutsimik qaffassaaqataasinnaasut saqqummiunneqarput.

Tunisassiorsinnaassutsip qaffassarnissaanut aqqutissaq pingaarnerpaaq sallerasassarlu tassaavoq ilinniarsimasut amerlanerulernissaat iliniartitaanerillu pitsaanerulernissaat. Nunani tamalaanni misissuinerit takutippaat ilinniarsimassutsip qaffassarnissaa tunisassiorsinnaassutsip qaffassarnissaanut aqqutissat qularnaatsinerpaartarigaa. Kisitsisit nunatsinneersut tunngavigalugit oqimaalutaanerit takutippaat ilinniagaqarsimaneq inunnut ataasiakkaanut inuiaqatigiinnullu imminut akilersinnaanerpaasoq. Ilinniagaqarsimasut aamma qaffasinnerusumik ilinniagaqarsimasut amerlanerulersinnerisigut nunatta avataaneersunik sulisussanik pisariaqartitsineq annikillisarneqarsinnaavoq.

Arlalinnik tunngaveqarluni aningaasaqarnerup ineriartortinneqarnera tunisassiorsinnaassutsimik qaffassaaqataassaaq. Attassisinnaanissamut Siuarsaanissamullu pilersaarummi unammillersinnaassutsip qaffassarneqarnissaata sulissutigineqarnissaa taamaasiornikkullu inuussutissarsiutit aalaakkaasumik ineriartortinneqarnissaata tunngavissinneqarnissaa kammattuutigineqarpoq.

Pisortani suliassaqarfinnik nutaanngorsaanerit pisariillisaanerillu aqputigalugittaaq inuiaqatigiinni tunisaassiorsinnaassuseq qaffassarneqarsinnaavoq. Aningaasanik pitsaaneruseq aqutsineq, siunertanut naapertuuttunik aqqissuussinerit, qarasaasianik annertuneruseq atuilernerit, sulisut piginnaasaqarluartut siusinaartumillu pitsaaliuinerit aqputigalugit pisortat aningaasartuutigisartagaat apparsarneqarsinnaapput namminersortullu ineriartortitsinissaanut sinaakkutit pitsanngorsarneqarlutik.

Attassisinnaanissamut Siuarsaanissamullu pilersaarusermikkut Naalackersuisut siunissami siuariartortitsinissamut tunngaviusinnaasunik suliniutinik suliarilluakkanik saqqummersitsinikuupput. Naammassisaqarsinnaassutsip taamaasillunilu atugarissaarnerup ineriartortinnissaa pilersaarummi qitiulluinnarlutik inissisimapput. Naalackersuisut isumaqarput misissueqqissaarnerit aqputigalugu paassisutissat ilaatigut naammassisaqarsinnaassutsip qaffarsarnissaanut tunngavissat naammattut pigineqalersut. Alloriarneq tulleg tassaasariaqarpoq ilinniartitaanerit pitsanngorsarnissaanut, unammillersinnaassutsip piviusumik pitsanngorsaaffiginissaanut, pisortat ingerlataasa pitsaaneruseq aquneqalernissaanut aammalu missingersuusiortarnermut naatsorsuuserisarnermullu inatsisip atuutsilersinneqarnissaanut suliniutivinnik aallartitsisoqarnissaa. Tassungu tunngatillugu pisortat ingerlataani naammassisaqarsinnaassutsip qaffarsarnissaa anguniarlugu aningaasartuutaasartut misissuiffiqeqqissaarneqassapput sunniutigisartakkallu oqimaalutarnissaat suliarineqarlutik. Tamakku saniatigut ilaatigut mittarfiliortiternissanut aningaasaliinissaq pilersaarutigineqarpoq, taakkulu aqputigalugit immikkoortunut aningaasartuutit assartuinerimullu piffissat atorineqartartut annikillisarneqassapput taamaasillutillu naammassineqarsinnaassutsimik qaffassaaqataalerlutik.

Massakkut pissutsit aallaavigalugit naammassisaqarsinnaassuseqarnermik ataatsimiititaliarsuarmik pilersitsineq asuli piffissaajaataannaasinnaavoq aqqissuusseqqinnerillu ataasiakkaat pisariaqartumik ineriartortitsinerit unitsinnaallugit. Naalackersuinikkut allaffissornikkullu nukit pissusissamisoorneruseq suliniutit ataasiakkaat ineriartortinnerinut Attassisinnaanissamut Siuarsaanissamullu pilersaarusermikkut siunnersuutigineqartut atorineqarsinnaapput.

Taamaattumik naammassisaqarsinnaassuseqarnermik ataatsimiititaliarsuarmik pilersitsinissamik Per Rosing Petersenip siunnersuutaa Naalackersuisut tapersorsorsinnaangilaat.